

**SPORTS FISHING ASSOCIATION OF BOSNA I HERCEGOVINA  
SPORTSKO RIBOLOVNI SAVEZ BOSNE I HERCEGOVINE**

**SPORTSKO RIBOLOVNI SAVEZ  
BOSNE I HERCEGOVINE**

Ulica, Ive Andrića 4.  
71123 ISTOČNO SARAJEVO

E-mail: [srsbih@gmail.com](mailto:srsbih@gmail.com)  
Facebook: RIBOLOVNI SAVEZ BiH  
WEB SITE: [srsbih.com/web](http://srsbih.com/web)



**СПОРТСКО РИБОЛОВНИ САВЕЗ  
БОСНЕ И ХЕРЦЕГОВИНЕ**

Улица, Иве Андрића 4.  
71123 ИСТОЧНО САРАЈЕВО

E-mail: [srsbih@gmail.com](mailto:srsbih@gmail.com)  
Facebook: RIBOLOVNI SAVEZ BiH  
WEB SITE: [www.srsbih.com/web](http://www.srsbih.com/web)

**SPORTS FISHING ASSOCIATION OF BOSNIA AND HERZEGOVINA**

---

TeL: 00387 61 217 870 ,Tel/ Fax: ++387 33 485-719 T.R. 1610000012560056 Raiffeisen bank BiH  
ID=4200830340002

---

**Broj:151/19**

**Usvojeno na Upravnom odboru SRS BiH**

**OPŠTA-OPĆA PRAVILA  
SPORTSKO-RIBOLOVNIH TAKMIČENJA U ORGANIZACIJI SRS  
BOSNE I HERCEGOVINE**

Sarajevo, februar / veljača 2019.god.

Na osnovu Pravilnika o sportsko ribolovnim takmičenjima međunarodnih sportsko-ribolovnih asocijacija u okviru konfederacije CIPSa (FIPS-ed,FOPS-MOUCHE i.ICSF FEDERACIJE ) i Člana 32.17. Upravni odbor SPORTSKO-RIBOLOVNOG SAVEZA BOSNE I HERCEGOVINE na sjednici održanoj dana 15.02..2019. godine d o n o s i :

# **OPŠTA – OPĆA PRAVILA - SISTEM SPORTSKO RIBOLOVNIH TAKMIČENJA U ORGANIZACIJI SPORTSKO - RIBOLOVNOG SAVEZA BOSNE I HERCEGOVINE**

## **Član 1.**

Ovim Pravilnikom uređuju se opća pravila zajednička za sve vrste, nivoe i discipline sportsko-ribolovnih takmičenja u organizaciji ribolovnog saveza Bosne i Hercegovine ( u daljem tekstu Savez)

## **Član 2.**

Zajedničko za sve vrste takmičenja u smislu odredaba ovog pravilnika je da u fazi izrade Planova, Pripreme takmičenja i same organizacije takmičenja imaju slijedeće faze:

1. Vrste sportsko-ribolovnih takmičenja u daljem tekstu SRT
2. Formiranje i obrazovanje novih liga i disciplina,
3. Registracija svih učesnika SRT
4. Učesnici u SRT
5. Službene osobe na takmičenjima i provođenje pravila takmičenja,
6. Neposredna organizacija takmičenja i uloga učesnika SRT,
7. Kalendar SRT,
8. Dodatna pravila i tehnike lova,
9. Takmičarska i Sudijska komisija,
10. Utvrđivanje plasmana, proglašenje rezultata i uručivanje nagrada,
11. Reprezentativne selekcije
12. Prelazne odredbe,
13. Završne odredbe.

## **1. VRSTE SPORTSKO-RIBOLOVNIH TAKMIČENJA**

### **Član 3.**

Osnovna podjela SRT u organizaciji SRS BiH je:

- a) Lov ribe za sve kategorije i discipline
- b) Bacačke discipline –casting

### **Član 4.**

**Lov ribe podrazumjeva:**

1. Lov ribe udicom na plovak za sve kategorije (Seniori, Seniorke, Juniori, Kadeti, Masteri, Veterani-pojedinačno i KUP takmičenja)
2. Lov šarana i amura (pojedinačno i ekipno za seniore i KUP takmičenja)
3. Lov ribe vještačkom mušicom-Fly fishing (pojedinačno) Kup takmičenja za kategorije Seniori i Juniori.
4. Lov s obale vještačkim mamcima-spin ( pojedinačno, ekipno i KUP takmičenja)
5. Lovu ribe udicom na hranilicu - FEEDER

### **Član 5.**

**Bacačke discipline Casting podrazumjevaju:**

1. Bacački troboj; uteg 7 gr. -dalj, cilj, aremberg
2. Bacački petboj; uteg 7 gr, muha cilj, muha dalj, teg cilj, aremberg
3. Sedmoboj; petboj + multiplikator cilj, i dvoručno dalj
4. Devetboj –sedmoboj +muha +dvoručno dalj +teg 18 gr. dvoručno dalj

### **Član 6.**

Discipline iz člana 4. i člana 5. imaju svaka za sebe posebna Tehnička pravila i propozicije proistekle iz Pravilnika o SRT međunarodne CIPS Konfederacije i Federacija FIPS-ed, (Federacija za slatkovodni ribolov), FIPS-MOUCHE Federacije (Federacija za mušičarski ribolov) ICSF (Međunarodna federacija za Casting Sport) i usaglašavaju se sa promjenama koje se utvrđuje na Kongres CIPS Konfederacije svake 2 godine. U nekim dijelovima tehnički propisi ( staza) prilagođavaju se našim geografsko- hidrološkim uslovima.

### **Član 7.**

Sportsko –ribolovna takmičenja iz Člana 4. i 5 . organizuju se kao:

- a) Pojedinačna liga i otvorena prvenstva

- b) *Ekipna liga i KUP takmičenja*
- c) *Kombinirana (Kod lova i castinga)*

#### **Član 8.**

Sportsko-ribolovna takmičenja iz člana 4 i 5 mogu biti:

- a) *međunarodna službena*
- b) *međunarodna prijateljska*
- c) *nacionalna službena*
- d) *nacionalna prijateljska*

#### **Član 9.**

Nacionalna službena SRT se organizuju kao;

- a) *Prvi stepen – udruženjska takmičenja*
- b) *Drugi stepen- regionalna takmičenja*
- c) *Treći stepen – entitetska takmičenja*
- d) *Četvrti stepen- Državno prvenstvo BiH*

#### **Član 10.**

Nacionalna prvenstva službeno su :

- a) *Prvenstvena iz člana 9.d. pojedinačna i ekipna,.*
- b) *KUP SRS BiH (ekipna)*

#### **Član 11.**

Nacionalna službena sportsko ribolovna takmičenja mogu biti:

- a) *Masovna iz čl. 9 i otvorena pozivna*
- b) *Liga sistem za drugi, treći i četvrti stepen*

#### **Član 12.**

Masovna SRT podrazumjevaju održavanje svih stepena takmičenja iz člana 9. po Pravilnicima za tu disciplinu, nižeg ranga takmičenja i za ista se utvrđuju kriteriji nastupa na narednom stepenu. i to po slijedećem principu:

##### **12.1. I stepen takmičenja- društvena takmičenja**

Ovaj rang takmičenja organizuju SRD .Na ovim takmičenjima pravo nastupa imaju samo članovi društava. Pobjednici stiču pravo nastupa na Prvenstvima entiteta za disciplinu koju su ostvarili na društvenom takmičenju.

Broj pojedinaca koji ostvaruju plasman na entitetskim prvenstvima i prvenstvu DB, određuju Entitetski savezi – Upravni odbori tih Saveza svojom odlukom (na preporuku TK entiteta

##### **12.2. II stepen takmičenja- Regionalna takmičenja**

Ovaj rang takmičenja organizuju Entitetski savezi ili regionalni savezi (Kantonalni) kada ocjene da u pojedinim disciplinama zbog masovnosti u toj disciplini za predviđeno Entitetsko prvenstvo treba izvršiti kvalifikaciono takmičenje, pa iz jedne regije(Kantona) treba limitirati broj ekipa na Entitetskom prvenstvu. Ovaj rang takmičenja je u isključivoj nadležnosti regionalnih saveza i Entitetskih saveza.

##### **12.3. III stepen takmičenja- Entitetska prvenstva.**

Ova takmičenja organizuju Entitetski savezi putem svojih Takmičarskih komisija i Sudijskih komisija . Entitetski sportsko ribolovni savezi svojom odlukom propisuju uslove nastupe ekipa i pojedinaca na njima. Ova takmičenja su ujedno izborna za izbor takmičara i ekipa za nastup u Ligama i KUP takmičenja u IV stepenu takmičenja, koje organizuje Savez. Entitetski savezi mogu organizovati svoja izborna takmičenja kroz liga sistem i KUP takmičenja, a pobjednici stiču pravo nastupa u državnim ligama koje organizuje SRS BiH prema broju takmičara i ekipa datih u članu 13. ovog Pravilnika.

##### **12.4. IV stepen takmičenja na nivou SRS Bosne i Hercegovine**

Lige na nacionalnom nivou u startnom organizovanju se obrazuju od učesnika entiteta i Distrikta Brčko. U pravilu entiteti daju po 50% sastava lige, a Distrikt Brčko ima ekipu ili broj pojedinaca kako je to dato za lige i KUP takmičenja::

## **Član 13.**

### **DISCIPLINA: LOV RIBE UDICOM NA PLOVAK:**

#### **13.1) PREMIJER LIGA SENIORA DISCIPLINA:**

Liga Premijer liga seniora broji max. **24 takmičara** u tekućoj godini U ligi ostaje **13 takmičara** Iz Premijer lige ispada 11 takmičara ,a ligi popunjavaju 5 + 5 takmičara po plasmanu sa Entitetskih prvenstava i 1 po plasmanu sa prvenstva SRS DB. U slučaju da se ne prijavi pojedinac iz DB , popuna se vrši iz onog Entitetskog saveza gdje je **6-ti takmičar** po plasmanu ostvario najbolji i sektorski plasman. Liga se održava 2 vikenda 4 kola. Dobna starost takmičara je 25 do 55 godina, a takmičenje traje 4 sata. Namanji broj takmičara za održavanje lige je 13 takmičara i u tom slučaju održava se u dva kola to jest jedan vikend.

#### **13.2) PRVA LIGA SENIORA**

Prva liga BiH " Lov ribe udicom na plovak" je ekipno takmičenje. Ligu sačinjavaju 9 ekipa i to po principu 4 ekipe iz Entitetskih saveza i jedna (1) ekipa iz saveza Distrikta Brčko (4+4+1). U Ligi ostaju 4 ekipe po plasmanu, a ostale ispadaju. Liga se popunjava sa po 2 ekipe sa entitetskih takmičenja (2+2) i 1 ekipa iz Distrikta Brčko.

Ako se nije prijavila ekipa iz Distrikta Brčko, pravo nastupa ima ona ekipa sa Entitetskih prvenstava koja ima najbolji treći plasman na entitetskom prvenstvu.

Ekipe čine 5+1 takmičar. U prvoj ligi za ekipu ima pravo nastupa i 1 takmičar koji je član bilo koje druge ekipe iz BiH, ali samo pod uslovom da se do početka takmičenja registrovao za tu ekipu. Za ekipu imaju pravo nastupa po 2 juniora. Dobna starost takmičara je 25 do 60 godina.

Liga se može održati ako je prijavljeno najmanje 5 (pet) ekipa a održava se u 2 (dva) kola, jedan vikend. Odluku o većem broju kola UO može donijeti na zahtjev TK.

#### **13.3) PREMIJER LIGA SENIORKI DISCIPLINA:**

Liga Premijer liga seniorki broji 15 **takmičarki**. U ligi ostaje 8 takmičarki, a iz lige ispada 7 takmičarki. Ligu popunjava 7 takmičarki ( 3 iz SRS F BiH, 3 iz SRS RS i 1 takmičarka iz DB.) U slučaju da se ne prijavi takmičarka iz DB , popuna se vrši iz onog Entitetskog saveza gdje je 4 takmičarka po plasmanu ostvarila najmolji zbir sektorskih plasmana, što provjerava i utvrđuje Komesar lige. Dobna starost seniorki je od 25 do 60 godina. Kod ekipnog takmičenja broj juniorki u ekipi ne može biti veći od 2 (dvije), a takmičenje se odvija u 1 kolu koje traje 3 sata, a odluku o većem broju kola može donijeti UO na prijedlog TK.Minimalna broj takmičarki da bi se održalo takmičenje je 12.

#### **13.4) OTVORENO PRVENSTVO MASTER DISCIPLINA**

Na otvorenom prvenstvu u master disciplini imaju pravo nastupa svi takmičari od 55 do 65 godina starosti.Maksimalan broj takmičara na otvorenom prvenstvu je 24, a minimalan broj takmičara je 12 da bi se održalo otvoreno prvenstvo. Komesar takmičenja zatvara prijavu za otvoreno prvenstvo po redoslijedu pristiglih prijava do broja 24 vodeći računa o ravnomjernom učešću takmičara iz Entitetskih svaza.Takmičenje se odvija u 2 kola jedan vikend po 4 sata. Odluku o većem broju kola UO može donijeti na zahtjev TK.

#### **13.5) OTVORENO PRVENSTVO VETERANA DISCIPLINA:**

Na otvorenom prvenstvu veteran imaju nastupa svi takmičari starosti od 65 do 75 godina. Maksimalan broj takmičara na otvorenom prvenstvu je 24, a minimalan broj takmičara je 12 da bi se održalo otvoreno prvenstvo. Komesar takmičenja zatvara prijavu za otvoreno prvenstvo po redoslijedu pristiglih prijava do broja 24 vodeći računa o ravnomjernom učešću takmičara iz Entitetskih svaza Takmičenje se odvija u 2 kola jedan vikend po 4 sata. Odluku o većem broju kola UO može donijeti na zahtjev TK.

### **13.6) OTVORENO PRVENSTVO KADETA I JUNIORA , U15, U-20, U - 25 DISCIPLINA:**

Na otvorenom prvenstvu po svim kategorijama maksimalan broj takmičara je 24, a minimalan broj takmičara za održavanje prvenstva po određenoj kategoriji je 10. Komesar takmičenja zatvara prijavu za otvoreno prvenstvo po redoslijedu pristiglih prijavi do broja 24. Takmičenje se odvija u 1 kola jedan dan 3 sata. Odluku o većem broju kola UO može donijeti na zahtjev TK.

### **13.7) KUP BIH ZA SENIORE I SENIORKE:**

Na KUP-u BiH pravo nastupa ima po **5 ekipa seniora i 3 ekipe** seniorki sa entitetskih KUP takmičenja i po **1 ekipa seniora i seniorki sa KUP-a Distrikta Brčko** ili ukupno seniorskih ekipa (**5+5+1**) te seniorki (**3+3+1**) Ako se iz nekog entiteta ne prijavi predviđen broj ekipa, pravo nastupa ima isti broj ekipa iz drugog entiteta, ali samo za tu godinu.

Prijavu entitetskih ekipa za KUP BiH vrši isključivo Entitetski sportsko ribolovni savez, a troškove nastupa snose ekipe koje su prijavljene za KUP BiH. Ekipu sačinjavaju 3 takmičarake 1 rezerva i kapiten-trener ekipe, a takmičenja kod seniora traju 4 sata, a seniorki 3 sata.

### **DISCIPLINA : LOV ŠARANA I AMURA**

**13.8)** Premijer ligu u lovu šarana i amura sačinjava 12 ekipa, 10 ekipa iz Entitetskih saveza i maksimalno 2 ekipe iz Distrikta Brčko. Plasman za narednu takmičarsku godinu u ligi zadržava 7 prvoplasiranih ekipa bez obzira na Entitesku pripadnost koje moraju zadržati najmanje 2 stara člana ekipe iz prethodne takmičarske godine, a iz lige ispada 5 zadnjeplasiranih ekipa.

Ligu popunjavaju po 2 ekipe sa Entitetskih prvenstava koje su ostvarile najbolji plasman, a koje nisu već zadržale plasman u Premijer ligi, i 1 ekipa iz Distrikta Brčkog. Ukoliko nema dovoljan broj ekipa iz jednog Entitetskog saveza onda se popunjava iz drugog Entitetskog saveza takođe po ostvarenom plasmanu. Ukoliko su zadržale plasman u Premijer ligi 2 ekipe iz Distrikta Brčko ili nema zainteresovanih ekipa iz Distrikta Brčko za popunjavanje Premijer lige onda se popunjava iz drugog Entitetskog saveza. Ako za popunu lige iz nekog od Saveza ima zainteresovano više od 2 ekipe onda taj Savez mora obavezno održati svoje takmičenje da bi vršio popunu lige.

Premijer liga se održava u 4 kola, a jedno kolo traje 50 sati neprekidno. Ekipu čine 2 takmičara i 2 rezervna takmičara. Za održavanje Premijer lige minimalan broj ekipa je 7 ekipa.

Premijer ligu treba održati po mogućnosti na 4 različite vode u kojima preovladava šaran i amur.

### **DISCIPLINA: MUŠIČARSKA ( FLY FISHING) TAKMIČENJA**

#### **13.9)PREMIJER LIGA SENIORA DISCIPLINA(POJEDINAČNA):** Lov ribe vještačkom mušicom

Broji **22** takmičara obrazovana je sa po **11** takmičara iz entiteta Liga se provodi kroz 5 dana po 2 kola uz obvezno 2 kolo na jezeru lov ribe iz čamca ili sa obale. U ligi na kraju svake takmičarske godine ostaje 12 takmičara. Popuna Lige se vrši sa po 5 +5 prvoplasiranih takmičara sa entitetskih takmičenja koji nisu ostvarili plasman u ligi, a ukoliko nema dovoljnog broja takmičara iz jednog Entitetskog saveza onda se pozivaju takmičari iz drugog Entitetskog savza takođe po ostvarenom plasmanu. Najmanji broj takmičara za održavanje lige je 12 takmičara.

#### **13.10 ) PREMIJER LIGA JUNIORA U18 DISCIPLINA(POJEDINAČNA):**

Lige broje najmanje 12 takmičara uzrast do 18 godina i organizuju se kao liga takmičenja , ako se provedu entitetska takmičenja i sa tih takmičenja izvrši izborni plasman za Ligu BiH (6+6) takmičara. Ako Entitetski savezi nisu održali svoja takmičenja onda će se organizirati kao „Otvoreno prvenstvo BiH sa najmanje 10 takmičara za tu kategoriju sa maksimalno 2. kola takmičenja u jednom danu. U ligi U-18 mogu se takmičiti svi stariji od 14 godina.

#### **13.11) KUP I EKIPNA PRVENSTVA BIH :**

KUP SRS BiH (za sada do ispunjenje uvjeta i ekipno natjecanje) za seniore, u kom učestvuju po 4 prvoplasirane ekipe sa entitetskih prvenstava, 1 prošlogodišnji branilac kupa, 1 te ekipa domaćina KUP-a u tekućoj godini, što je ukupno **10 ekipa** na KUP-u BiH ( ekipom prvenstvu) .

Ako neka ekipa koja se plasirala na KUP odustane poziva se slijedeća ekipa po plasmanu iz entitetskog saveza iz kog je ekipa odustala, a ako se taj uvjet ne može ispuniti, poziva se ekipa koja to želi iz drugog entiteta.

### **13.12) PREMIJER LIGA LOV GRABLJIVICA VJEŠTAČKIM MAMCIMA S OBALE - SPIN LIGA**

Premijer ligu u disciplini lov grabljivica vještačkim mamcima s obale broji 20 takmičara iz oba Entiteska savza. U ligi za narednu takmičarsku godinu ostaje 12 takmičara, a popuna se vrši iz entitetskih saveza sa po 4 takmičara po plasmanu, ukoliko su održana Entiteska takmičenja, ili po prijavi preko TK Saveza iz kojih dolaze. Minimalan broj takmičara za održavanje Lige je 12 takmičara i tada se Liga održava jedan vikend u 2 kola.

**Ekipna** prvenstva će se organizirati tek kada se organiziraju ekipna prvenstva entitetskih saveza u ovoj disciplini, kada će se Pravilima takmičenja ustrojiti izbor i način plasmana sa ekipnih natjecanja u lige koje organizira SRS Bosne i Hercegovine.

### **13.13 PREMIJER LIGA U LOVU RIBE UDICOM NA HRANILICU – FEEDER**

Premijer ligu sačinjava 24 takmičara. Za narednu takmičarsku godinu u ligi ostaje 13 takmičara, a liga se popunjava sa 5 + 5 takmičara iz Entitetskih saveza po ostvarenom plasmanu koji nisu već učesnici Lige i plus 1 takmičar iz Distrikta Brčko. Ukoliko nema zainteresovanih takmičara iz Distrikta Brčkog popunjava se iz onog Entitetskog saveza, takmičarem koji ima bolji plasma.

Na KUP takmičenju nastupa 5 + 5 ekipa iz Entitetskih saveza i 1 ekipa iz Distrikta Brčkog. Ukoliko nema dovoljan broj ekipa iz jednog Entitetskog saveza ili iz Distrikta Brčkog onda se pozivaju ekipe iz drugog Entitetskog saveza. 6 ekipa je minimal broj ekipa za održavanje KUP takmičenja.

## **2. FORMIRANJE I OBRAZOVANJE NOVIH LIGA I DISCIPLINA**

### **Član 14.**

Svaka nova Liga na nacionalnom nivou u startnom organizovanju se obrazuje od takmičara iz entitetskih saveza i saveza Distrikta Brčko. U pravilu entiteti daju po 50% sastava lige, a ako Distrikt Brčko daje 1 ekipu, 1 ili 2 pojedinca, ako je riječ o pojedinačnoj konkurenciji, o čemu Odluku donosi Upravni odbor.

### **Član 15.**

Liga koju nije odobrio Upravni odbor za tekuću godinu neće se priznati, a onaj tko to organizuje bez Odluke Upravnog odbora podliježe Pravilniku o disciplinskoj odgovornosti i protiv njega će se Pokrenuti disciplinski postupak kod SRS BiH i Entitetskih saveza.

Isto važi i u slučaju ako neki pojedinac ili drugi Savez želi da rezultate bilo kakvog takmičenja podvede pod liga takmičenje u organizaciji SRS BiH, bez prethodne saglasnosti Upravnog odbora SRS BiH.

### **Član 16.**

Ako neka od disciplina nije dovoljno razvijena na nižim nivoima, ili je liga nepotpuna, manje od propisanog broja, u ekipnoj ili pojedinačnoj konkurenciji, onda se za obrazovanje lige koriste u startnom organizovanju kao «**OTVORENA**» i Prvenstva SRS BiH uz uslove i broj takmičara koje propisuje takmičarska komisija SRS BiH, a usvaja Skupština SRS BiH.

Kada razvoj te discipline dostigne entitetski nivo i interes pojedinaca i ekipa, SRS BiH će primijeniti odredbe člana 13 ovog Pravilnika, odlukom Skupštine Saveza BiH.

### **Član 17.**

U tehničkim pravilima svake discipline posebno će biti određeni elementi organizovanja Liga, kao i detaljnije propozicije i uslovi organizovanja KUP takmičenja SRS BiH, proglašenja pobjednika

takmičenja, te od učesnika liga i KUP takmičenja izbor reprezentativnih selekcija za nastup i predstavljanje SRS BiH na međunarodnim takmičenjima.

### **3. REGISTRACIJA SVIH UČESNIKA SRT**

#### **Član 18.**

**18.1.** Za sva takmičenja na nacionalnom nivou obavezna je registracija takmičara i ekipa. Visinu registracije utvrđuje Upravni odbor SRS BiH svojom odlukom. Za sve kategorije ekipa i takmičara je obavezna prijava i registracija, najkasnije mjesec dana prije početka prvog kola lige ili takmičenja, uz obavezno predočenje ribolovne dozvole udruženja i članske karte entitetskog saveza, a na takmičenju, potpisom na prijavu, ostvaruju pravo da učestvuju na takmičenju i to na vlastitu odgovornost. Takmičari i vođe ekipa moraju poznavati pravila, a nepoznavanje istih ne oslobađa odgovornosti.

**18.2.** Ova registracija je obavezna i za ostale učesnike SRT, trener, pomoćnik, vođe ekipa, bez koje neće moći uzeti učešće i pomoći svojim takmičarima ili ekipi u ostvarenju rezultata na SRT. Registracija se uplati Entitetskim SRS u spomenutom roku, a na žiro račun SRS BIH za takmičare disciplina koje nemaju Entitetski savezi.

**18.3.** Na Otvorenim i Kup takmičenjima SRS BIH, koja se odigraju u jednom danu, i na ostalima takmičenjima, u slučaju hitne zamjene, pomoćnika, vođe ekipe ili trenera, dozvoljena je registracija na dan održavanja takmičenja

#### **Član 19.**

Za učešće na sportsko ribolovnim takmičenjima četvrtog stepena u svim ligama i na KUP takmičenjima Upravni odbor sportsko ribolovnog saveza može propisati za tekuću godinu kotizaciju, na prijedlog Komesara lige ili Takmičarske komisije.

Ako se ne propiše kotizacija troškovi liga se pokrivaju iz tekućih prihoda SRS BiH i moraju za domaća Prvenstva, Lige i KUP takmičenja biti u Finansijskom planu saveza posebno iskazani, a u prikupljanju i trošenju sredstava moraju biti u prioritetu takmičenja nad međunarodnim nastupima.

#### **Član 20.**

Za nastupe na takmičenjima četvrtog stepena, takmičar mora posjedovati propisanu opremu i pribor koji moraju biti u skladu sa Pravilnikom za tu disciplinu koji je usvojio Upravni odbor SRS BiH, a ne mogu biti u suprotnostima ili postavljeni veći zahtjevi nego što je to propisano pravilima za tu disciplinu od strane Federacija FIPS-ed i FIPS-MOUCHE i ICSF.

#### **Član 21.**

**21.1.** U slučaju ekipnog takmičenja u dva ili više kola, ekipa ima pravo zamijeniti jednog ili više članova i u toku samog takmičenja. Isto to može uraditi samo sa takmičarom koji je prijavljen kao rezerva na početku takmičenja. Takmičari ili članovi neke ekipe, koji nisu prijavljeni domaćinu ili SRS BiH za takmičenje do utvrđenog roka, ne mogu se takmičiti.

**21.2.** Ako takmičar ima ribolovnu dozvolu i član je više udruženja u BiH, u jednoj takmičarskoj godini, može se takmičiti samo za jedno udruženje / ekipu, i ovo pravilo važi za sve kategorije i discipline koje organizira savez u tekućoj godini.

**21.3.** Tijekom jedne takmičarske sezone, takmičar se može takmičiti samo u više kategorija ukoliko mu odgovra usvojeni kalendar takmičenja bez mogućnosti prilagođavanja istog, osim takmičara mlađih kategorija koji po pravilu mogu dopuniti starije kategorije u ekipnoj konkurenciji.

**21.4.** Postupanje suprotno odredbama ovog člana povlači disciplinsku odgovornost takmičara i ekipe i moguću odgovornost odgovornih osoba na provođenju SRT.

**21.5.** Takmičar ili ekipa koja je ostvarila plasman u ligi za narednu sezonu, a odustane prije početka takmičenja za tu godinu, popunjava se takmičarem ili ekipom iz onog entita iz kojeg je takmičar ili ekipa koja je napustila ligu. Ukoliko nema zainteresovanih takmičara ili ekipa za popunu lige onda se uzima takmičar ili ekipa iz drugog Entitetskog saveza.

#### **Član 22.**

Kada se organizuju Kombinovana ( ekipna i pojedinačna) sportsko ribolovna takmičenja na jednoj takmičarskoj stazi i rezultati se moraju izračunavati za pojedince i kompletne ekipe.

Ako se u nekoj kategoriji nije takmičilo bar tri pojedinca ili 3 ekipe, plasman će biti utvrđen, ali se neće izvršiti podjela priznanja niti verifikovati plasman, na temelju kog pojedinac ili ekipa ima pravo nastupa u toj kategoriji na međunarodnom takmičenju.

#### **4. UČESNICI SPORTSKO-RIBOLOVNIH TAKMIČENJA**

##### **Član 23.**

Svako SRT podrazumjeva pored takmičara niz učesnika koji izvršavaju određene zadatke za uspješno održavanje-provođenje takmičenja.

##### **Član 24.**

Za organizovanje i izvođenje SRT, u smislu odredbi ovog pravilnika, propisano je u Tehničkim propisima, u Pravilnicima za takmičenja za svaku disciplinu; definirani zadatci i uloge takmičara, sudija, domaćina i svih ostalih službenih osoba u fazi pripreme, fazi provođenja takmičenja, obradi rezultata i proglašenje pobjednika, te načinu formiranja i izbora reprezentacije za svaku kategoriju. U tom smislu Pravilnici za svaku disciplinu treba da sadrže i definiraju slijedeće odredbe:

- I NATJECATELJSKA - TAKMIČARSKA STAZA-karakteristike -struktura
- II NATJECATELJSKE-TAKMIČARSKKE KATEGORIJE
- III ORGANIZACIJA NATJECANJA- TAKMIČENJA
- IV OPŠTA PRAVILA TAKMIČENJA- pojedinačno i ekipno
- V NATJECATELJSKI / TAKMIČARSKI PRIBOR, oprema
- VI ORGANIZACIJA NATJECANJA/TAKMIČENJA
- VII SLUŽBENE OSOBE-TIJELA NA NATJECANJU / TAKMIČENJU
- VIII SUĐENJE, EVIDENCIJE,
- IX UTVRĐIVANJE PLASMANA NA NATJECANJU
- X KAZNENE ODREDBE za učesnike SRT
- XI PROGLAŠAVANJE I OBJAVA REZULTATA
- XII SUSTAV SPORTSKO RIBOLOVNIH NATJECANJA U SRS BiH
- XIII OBRAZOVANJE REPREZENTACIJE SRS BiH
- XIV PRELAZNE I ZAVRŠNE ODREDBE
- 

##### **Član 25.**

**ORGANIZATOR liga ili KUP** takmičenja u IV stupnju je Savez, koji putem svoje Takmičarske komisije i Upravnog odbora za svaku godinu donosi, do kraja tekuće godine Kalendar takmičenja za narednu godinu. Kalendar takmičenja mora biti usuglašen sa Finansijskim planom provođenja takmičenja u tekućoj godini, a donosi ga Skupština SRS BiH.

**SUORGANIZATOR liga ili KUP** takmičenja u IV stepenu, je SRD koje se prijavilo na Konkursu za domaćina prvenstva u IV stepenu i Entitetski savez ili savez DB na čijoj se teritoriji provodi liga ili KUP takmičenje. Samo na, svim KUP takmičenjima, domaćin, suorganizator, ima pravo učešća sa svojom ekipom, bez obzira na rang ili ligu u kojoj se njegova ekipa takmiči.

##### **Član 26.**

Zvanični predstavnik SRS BiH na takmičenju je **DELEGAT** koji ima prava i obaveze u skladu sa Pravilnikom za datu disciplinu te da prati takmičenje (SRD) daje instrukcije i mišljenja kako da se što uspješnije organizuje sportsko ribolovno takmičenje( SRT) za koje je delegiran, a skupa sa **Vrhovnim ili Glavnim sudijom i Komesarom** lige ili KUP-a verifikuje ispravnost održanog takmičenja te o tome Takmičarskoj komisiji SRS BiH , preko Komesara lige, dostavi propisani Izveštaj sa takmičenja. Provjerava da li su se stekli uslovi da se održi takmičenje, te o tome donosi odluku uz konsultacije sa Glavnim sudijom i Komesarom što evidentira kroz Delegatski izvještaj. U slučajevima grmljavine, nevremena, odlučuje o privremenom ili konačnom prekidu takmičenja uz konsultaciju sa Delegatom takmičenja.

##### **Član 27.**

**27.1.** Ostali organi takmičenja organizuju se konkretno, kako to propisuju Pravilnici za tu disciplinu, a odnose se na formiranje prije takmičenja i toku takmičenja: Sudijskog kolegija, Tirijski takmičenja, Forum lige, selektora reprezentacije, a kako je to propisano Pravilnicima za konkretnu disciplinu.

**27.2.** Forum lige je savjetodavno tijelo, koje biraju članovi lige, sastavljeno od Komesara, selektora i nekoliko takmičara, koje nastupa u ime lige, sa prijedlozima za što bolje provođenje takmičenja, i nastupa reprezentacije na međunarodnim takmičenjima. Može ga imati svaka takmičarska liga, te može podržati, dati prijedlog i mišljenje, oko imenovanja komesar lige ,selektora i menadžera,preko TK.



## **5. SLUŽBENE OSOBE NA TAKMIČENJU I PROVOĐENJE PRAVILA TAKMIČENJA**

### **Član 28.**

Sve sudije i sekretar/Tajnik takmičenja u organizaciji takmičenja SRS BiH moraju biti najvišeg ranga-takmičenja i to u pravilu međunarodni sudci sa „A“ licencom ili savezne sudije (entitetske), sa „B“ licencom“, licencirani kod SRS BiH, koji su dužni u skladu sa usvojenim Pravilima za svaku disciplinu iskoristiti svoju sposobnost za uspješno suđenje, primjenu Pravila i organizaciju suđenja na takmičenju.

**Sudije sa „C“ licencom** ne mogu biti sektorske sudije, osim u slučaju kad polažu ispit za „B“ licencu. Za startne sudije u mušičarenju u pravilu moraju biti položene sudije sa „C“ licencom ili članovi društva koji su za to posebno obučeni i imaju potvrdu SRD koje organizuje takmičenje.

### **Član 29.**

Delegiranje sudija za državna takmičenja i to sudija sudija sa „A“ licencom : Vrhovni sudija, Glavni sudija, Komesar lige, za disciplinu koju provodi SRS BiH, putem Takmičarske Komisije SRS BiH, vrši Sudijska komisija SRS BiH, a sektorske sudija , startne sudije delegiraju, Entitetske sudijske komisije, koje su pri određivanju sudija „B“ i „C“ ranga moraju rukovoditi principom odabira najboljih uz najmanje troškove suđenja vodeći računa da se angažuju prije svega sudije iz mjesta i najbliže okoline, gdje se održava takmičenje. Zadaci, prava, obaveze i ocjene sudija koji sude na ligama i KUP takmičenjima koje organizuje SRS Bosne i Hercegovine, te na međunarodnim takmičenjima u organizaciji Sportsko ribolovnog saveza BiH, biti će točno propisani Pravilnikom o Takmičarskoj i Sudijskoj komisiji SRS BiH

## **KOMESAR TAKMIČENJA**

### **Član 30.**

Osoba za provođenje takmičenja u liga i na KUP takmičenja, je Komesar lige koga po objavljenom konkursu/natječaju na 4 godine postavlja Upravni odbor SRS BiH.

Zadatak komesara definisan je posebno za svaku takmičarsku disciplinu i kategoriju,te njegova uloga u pripremi takmičenja, organizaciji takmičenja i dostavi Izvještaja o provedenim takmičenjima. Komesar ima posebnu ulogu i prikupljanju sredstava za registraciju, njihovu dostavu u SRS BiH,a ako je propisana kotizacija, način prikupljanja iste, izradi finansijskih izvještaja i uplatu sredstava na žiro račun SRS BiH. a i naznačiti rokove izvršavanja obaveza.

## **6.NEPOSREDNA ORGANIZACIJA TAKMIČENJA I ULOGA UČESNIKA SRT**

### **Član 31.**

Na stazi se po pravilu postavljaju jarbol na kom se za vrijeme državnih liga i KUP takmičenja obavezno mora izvjesiti državna zastava BiH , a uz nju se mogu postaviti entitetska zastava i zastava SRD , koje je domaćin takmičenja. Bilo kakve druge zastave na takmičarskoj stazi se ne smiju postavljati.

### **Član 32.**

Komesar lige je dužan preuzeti informatičku opremu ( računar i štampač) za praćenje SRT i obradu rezultata na računaru, radi obezbjeđenja brže obrade rezultata, i izradu informativnih biltena i koristiti software koji osigurava SRS BiH, ako je to predviđeno rangom takmičenja.

Takmičarska komisija je dužna obezbjeđiti odgovarajući softver (program) za svaku vrstu SRT,a do sticanja tih uslova, takmičenja se obrađuju ručno i sva prateća dokumentacija (Prijave, Startne liste, Dnevnici i Izvještaji ,koje Komesar lige za sva kola lige mora preuzeti od sekretara Saveza prije početka takmičenja, ili preuzeti sa službene internetske stranice Saveza.

### **Član 33.**

Za svako takmičenje se sačinjava Protokol između SRS BiH i domaćina takmičenja, a nakon toga Komesar lige je dužan sačiniti, usuglasiti sa domaćinom takmičenja , te najmanje 15 dana prije takmičenja objaviti SATNICU – PROGRAM TAKMIČENJA koja treba dati sljedeće podatke:

- Mjesto i vrijeme održavanja SRT sa mogućom satnicom,
- Mogućnosti smještaja učesnika takmičenja,
- Mogućnost službenog treninga , vrijeme i mjesto i uslove,

- Mjesto i vrijeme zvanične prijave za takmičenje,
- Za sve discipline lova ribe, glavne vrste riba koje žive u vodi na takmičarskoj stazi, te eventualne mjere zaštite na toj stazi u skladu sa Entitetskim zakonom i lovostajima,
- Mjesto i vrijeme proglašavanja rezultata,
- Posebne propozicije kao dodatak pravilima na koje ima domaćin pravo,
- I druge informacije ukoliko domaćin smatra da su potrebne takmičarima.

Satnica-Program se obavezno objavljuje na WEB SITE i FB profilu SRS BiH i entitetskih saveza, a po mogućnosti upućuje se u elektronskom obliku sudijama i takmičarima učesnicima lige na koju se odnosi, a također po mogućnosti se prije žrijebanja uručuje na mjestu žrijebanja takmičenja i svim sudijama i takmičarima te Delegatu takmičenja.

Ako ovo nije moguće Komesar lige mora se postaviti vidno bar jedan primjerak satnice na mjestu žrijebanja takmičenja, a komesar takmičenja, Glavni sudija i sektorske sudije u svakom trenutku moraju imati kod sebe 1 primjerak satnice.

Na takmičenju svi sudci moraju kod sebe imati Pravila i na zahtjev vođe ekipe ili takmičara ako dođe do sporne situacije na takmičenju, moraju ih predložiti, kako bi se utvrdilo da li je načinjena greška u tumačenju istih od bilo kog učesnika u SRT.

#### **Član 34.**

Da bi neko takmičenje steklo uslove da se može održati moraju biti ispunjeni minimalno slijedeći uslovi:

- da je na takmičenju prisutan potreban broj takmičara,
- da je prisutan Delegat takmičenja i da on ocjeni i odobri početak takmičenja,
- da prisustvuje minimalno potreban broj sudija i da postoji prateća dokumentacija : prijavni listovi startni listovi, dnevnicu takmičenja, te da je određen sekretar / Komesar takmičenja,
- Da je održan sastanak sudaca, sastanak sa vođama ekipa i takmičarima, te iste upoznati ukratko sa satnicom i posebnim uslovima takmičenja,
- da je održan žrijeb takmičara ili ekipa u skladu sa Pravilima za tu disciplinu,
- da je propisno obilježena takmičarska staza, sektori i startna mjesta.

### **7. KALENDAR SPORTSKO RIBOLOVNIH TAKMIČENJA**

#### **Član 35.**

Takmičarska komisija utvrđuje prijedlog Kalendara takmičenja za svaku takmičarsku godinu do kraja tekuće godine, za narednu godinu, vodeći računa o praznicima, da se domaća takmičenja ne preklapaju sa međunarodnim svjetskim i evropskim prvenstvima,, KUP-ovima Jadransko podunavskih zemalja za disciplinu za koje se provodi takmičenje.

Također u izradi Kalendara moraju se u granicama mogućnosti poštivati termini tradicionalnih KUP takmičenja koja provode SRD i na kojima će nastupiti veći broj ekipa iz inostranstva, ali pod uslovom da je taj termin dostavljen pravovremeno Takmičarskoj komisiji pismenim putem i ovjerom ovlaštene osobe u SRD.

#### **Član 36.**

Saglasnost na Kalendar takmičenja daje Upravni odbor SRS BiH , a za njega moraju u Finansijskom planu SRS BiH osigurana sredstva, u protivnom takmičenja se moraju otkazati i ne smije se vršiti nikakvo zaduživanje za provođenje liga , ako sredstva nisu osigurana iz sigurnih izvora.

#### **Član 37.**

Otvoreno prvenstvo sportsko-ribolovnih takmičenja u bacačkim disciplinama održava se u prvom vikendu JULA/ SRPNJA , ako se ista planiraju u Kalendaru takmičenja.

#### **Član 38.**

Radi blagovremenosti izbora i obezbjeđenja više vremena za pripreme reprezentativnih selekcija, a i mogućnosti korištenja termina tokom čitave ribolovne sezone, izbor takmičara u reprezentaciju obavlja se tekuće, za nastupe na međunarodnim takmičenjima iduće godine.

Selektori i treneri reprezentacija o tome skupa sa Komesarom lige vode brigu o blagovremenosti ovog posla.

### **Član 39.**

Usaglašavanje termina i drugih podataka u kalendaru SRS obavlja se prije javnog objavljivanja u BILTENU ili na WEB SITE I FB portalu SRS BiH sa predsjednicima Entitetskih takmičarskih komisija a i oni mogu učestvovati u radu kada Takmičarska komisija SRS BiH formira svoj prijedlog i ravnopravno davati prijedloge.

## **8. DODATNA PRAVILIMA I TEHNIKE LOVA**

### **Član 40.**

U saradnji sa domaćinom određenog SRT mogu se za konkretno takmičenje napraviti i Dodatna pravila, koja može da propiše domaćin, kao što su mjere ulova, kretanje po rijeci, stazi, lovostaj za određene vrste riba, korištenje prehrane, minimalnih mjera, koje se moraju poštovati. Ne mogu se vršiti nikakve promjene ili dopunska pravila vezana za rad sudija, sistem bodovanja i proglašavanja pobjednika takmičenja, te dalje osigurane plasmane u reprezentaciji. Dodatna pravila moraju biti sastavni dio satnice takmičenja. Selektor reprezentacije ima pravo zajedno sa Komesarom/sekretarom lige da u satnici propiše tehnike lova za pojedine discipline, i na rijekama i jezerima.

### **Član 41.**

U koliko je Takmičarska komisija prihvatila prijedlog trenera ili selektora o uvođenju posebnih tehnika lova, posebne opreme i pribora, hrane i mamaca, dužnost domaćina i Komesara je da ih ugradi u dodatne propozicije. Ova odredba se odnosi samo na lige iz kojih se obrazuje reprezentacija SRS BiH. Selektori ne mogu na samoj stazi mijenjati i propisivati uslove tehnika lova, nego se to mora objaviti 15 dana prije takmičenja, uz suglasnost TK SRS BiH.

## **9. TAKMIČARSKA KOMISIJA I SUDIJSKA KOMISIJA SRS BiH**

### **Član 42.**

Osnovni zadaci Takmičarske komisije u daljnjem tekstu TK SRSBiH su naznačene Statutom ,a ovim pravilima se naglašava njena obaveza u vezi:

1. Izrade prijedloga sistema takmičenja,
2. Ažuriranje tekućih pravila,
3. Edukacija dovoljnog broja sudija svih nivoa,
4. Izrada prijedloga kalendara SRT,
5. Izrada prijedloga Financijskog plana SRT,
6. Nadzor nad provođenjem svih nivoa takmičenja SRT,
7. Priprema, organizovanje i provođenje SRT na državnom nivou,
8. Izveštavanje Upravnog odbora SRS BiH o provedenim takmičenjima i prijedlog za verifikaciju istih, Provođenje Pravilnika o reprezentativnim selekcijama i obezbjeđenje uslova za nesmetano odvijanje priprema, opremanje i odlazak na međunarodna takmičenja prema planu koji je usvojio Upravni odbor SRS BiH,
9. Rješavanje po žalbama ekipa i pojedinaca u prvom stupnju.

Detaljan rad i uloga Takmičarske komisije u pripremi i organizaciji takmičenja biti će dat u Pravilniku o radu Takmičarske i Sudijske komisije SRS BiH

## **SUDIJSKA KOMISIJA SRS BiH**

### **Član 43.**

Osnovni zadaci sudijske komisije u daljem tekstu SK SRS BIH su naznačene Statutom ,a ovim pravilima se naglašava njena obaveza u vezi:

1. Izrade prijedloga i delegiranja sudija za takmičenja u IV stepenu po kalendaru takmičenja
2. Obuka sudijskog kadra
3. Provođenje licenciranja sudaca „A“ i „B“ licence,
4. Delegiranje sudija za međunarodna takmičenja koja organizuje SRS BiH

5. Delegiranje sudija za takmičenja koju organizuju savezi drugih država, a traže od SRS BiH pomoć u sudijskom kadru,
6. Prati izmjenu pravila i usklađuje sa odredbama međunarodnih Federacija.

Detaljan rad i uloga Sudijske komisije u pripremi i organizaciji takmičenja biti će dat u Pravilniku o radu Takmičarske i Sudijske komisije SRS BiH.

## **10. UTVRĐIVANJE PLASMANA , PROGLAŠENJE REZULTATA I URUČIVANJE PRIZNANJA**

### **Član 44.**

Nakon svakog održanog SRT utvrđuje se na osnovu rezultata, plasman pojedinaca i ekipa, saglasno tehničkim pravilima određene discipline,

### **Član 45.**

Uz skromnu svečanost proglašavaju se rezultati. Vrhovni ili Glavni sudija objavljuje rezultate provedenog takmičenja. Učesnici, nezadovoljni objavljenim rezultatima takmičenja, mogu izjaviti žalbu takmičarskoj komisiji SRS BiH, koja po žalbi odlučuje u prvostupanjskom postupku. Ako takmičar ili pojedinac nije zadovoljan odlukom Takmičarske komisije, može na istu izjaviti podnose žalbu Upravnom odboru SRS BiH, čija je odluka konačna i na nju nema pravo žalbi..

### **Član 46.**

Oblik i sadržaj priznanja najuspješnijim takmičarima i ekipama utvrđuje i propisuje svojom odlukom Upravni odbor SRS BiH.

### **Član 47.**

Za preuzimanje priznanja, njihovo uručivanje, ispis Diploma , zadužen je Komesar lige koji iste mora pravovremeno preuzeti u Kancelariji SRS BiH i donijeti na mjesto proglašavanja rezultata. Neuručena priznanja mora u roku od 7 (sedam) dana vratiti u Kancelariju SRS BiH.

### **Član 48.**

Za svako takmičenje Komesar lige sa sobom nosi državnu zastavu koju prije početka lige preuzima u Kancelariji Saveza, a sa domaćinom takmičenja dužan je da se ista postavi na mjestu ždrijebanja, odnosno proglašavanja pobjednika.

### **Član 49.**

Obrasci Izvještaja Delegata i Glavnog sudije dati su u Pravilnicima za tu disciplinu i dostavlja ih, u kancelariju SRS BiH, Komesar lige, u roku od 7 (sedam) dana po završetku takmičenja. Dokumenta sa provedenog takmičenja moraju biti kompletna, te u slučaju da nisu kompletna i nisu stigla u propisanom roku, neće se isplaćivati nikakvi troškovi službenih osoba za to takmičenje, dok se to ne regulira.

U slučaju da ih Delegat i Glavni sudija ne naprave, ne predaju Komesaru, odu ranije sa takmičenja, protiv njih će biti pokrenut disciplinski postupak po Pravilniku o disciplinskoj-stegovnoj odgovornosti.. Postupak po službenoj dužnosti pokreće Predsjednik TK SRS BIH ili Sudijske komisije SRS BiH..

## **11.REPREZENTATIVNE SELEKCIJE**

### **Član 50.**

Pravilnikom o reprezentativnim selekcijama SRS BiH regulisan je način izbora, odgovorna lica za izbor reprezentativaca, priprema i opremanje reprezentacije za odlazak i boravak reprezentacije na međunarodnim takmičenjima.

### **Član 51.**

Na prijedlog Takmičarske komisije, Upravni odbor SRS BiH imenuje vođu puta i predstavnika SRS BiH za svako takmičenje na kom je odlučeno da učestvuje selekcija SRS BiH. Zadatak vođe puta je da od momenta imenovanja pa sve do povratka vodi brigu o svim materijalno-financijskim potrebama reprezentacije pri čemu neposredno saraduje sa selektorima i trenerima. Kancelarijom SRS BIH i rukovodstvom SRS BiH.

## **12.PRELAZNE ODREDBE**

### **Član 52.**

Sastavni dio ovog Pravilnika su Pravilnici za sve discipline koje upražnjavamo, i ona koja će biti u međuvremenu donesena i uvedena u sistem takmičenja. Za eventualne neusaglašenosti pojedinih odredaba primjenjivat će se pravila CIPS Konfederacije i pravila FIPS-ed i FIPS – MOUCHE Federacija i ICSF Federacije u izvornom tekstu.

## **13.ZAVRŠNE ODREDBE**

### **Član 53.**

Pravilnik stupa na snagu danom donošenja na Skupštini SRS BiH i biti će objavljen na WEB SITE i FB profilu SRS BiH u roku od 7(sedam) dana od dana donošenja i biti će omogućeno svim članovima SRS BiH, preuzimanje elektronskim putem iz Download zone WEB SITE (zone preuzimanja),u „pdf“ formatu.

### **Član 54.**

Usvajanjem ovoga Pravilnika, prestaje važenje Pravilnika, OPŠTA PRAVILA-SISTEM sportsko ribolovnih takmičenja u organizaciji SR BIH, donesena 15.02.2014 godine na Skupštini SRS BiH.

Sarajevo,.15.03.2019. god.  
Broj:01-076/19



**PREDSJEDNIK UO SRSBIH  
KOBACIĆ DANIJEL**